

Na osnovu člana 21. stav (2) Odluke o izvršavanju Budžeta Grada Sarajeva za 2024. godinu („Službene novine Kantona Sarajevo“, broj: 55/23, 13/24), člana 2. Odluke za nagrađivanje učenika srednjih škola koji su postigli zapažene rezultate na zvaničnim takmičenjima iz nastavnih predmeta/oblasti u prethodnoj školskoj 2023/2024 godini iz Budžeta Grada Sarajeva za 2024. godinu („Službene novine Kantona Sarajevo“, broj: 5/24), gradonačelnica Grada Sarajeva, putem Gradske službe za obrazovanje, sport, kulturu i mlade (u daljem tekstu: Služba), raspisuje:

JAVNI POZIV

za nagrađivanje učenika srednjih škola koji su postigli zapažene rezultate na zvaničnim takmičenjima iz nastavnih predmeta/oblasti u prethodnoj školskoj 2023/2024. godini, iz Budžeta Grada Sarajeva za 2024. godinu

Pravo učešća na Javnom pozivu imaju učenici:

1. Srednjih škola sa područja Grada Sarajeva (općine: Stari Grad Sarajevo, Centar Sarajevo, Novo Sarajevo, Novi Grad Sarajevo);
2. Učenici koji imaju prebivalište na području Grada Sarajevo;
3. Koji se nalaze na redovnom školovanju;
4. Koji ne obnavljaju razred.

Učenici se imaju pravo javiti za postignut zapažen rezultat iz prethodne školske 2023/2024. godine, a u skladu sa ostvarenim rezultatima na takmičenjima iz nastavnih predmeta/oblasti prema Kalendaru takmičenja koja su u organizaciji Ministarstva za odgoj i obrazovanje Kantona Sarajevo i Javne ustanove Institut za razvoj predunivezritetskog obrazovanja Kantona Sarajevo za školsku 2023/2024. godinu.

Učenici srednjih škola, koji su ostvarili zapažen rezultat na jednom od idućih takmičenja, imaju pravo prijave na ovaj Javni poziv:

R.br.	Naziv takmičenja – Legenda učešća prema nivou održavanja takmičenja: (KS) – Kantonalni nivo; (FBiH) – Federalni nivo; (BiH) – Državni nivo; (Međ.) – Međunarodno takmičenje.
1.	Bosanski jezik i književnost, Hrvatski jezik i književnost, Srpski jezik i književnost (predmetna nastava); (KS)
2.	Engleski jezik (prvi strani jezik); (KS)
3.	Engleski jezik (prvi strani jezik – nastava se izvodi na engl. jeziku); (KS)
4.	Njemački jezik (drugi strani jezik); (KS, BiH)
5.	Francuski jezik (drugi strani jezik); (KS)
6.	Matematika; (KS; FBiH; BiH; Međ.)
7.	Fizika; (KS; FBiH; BiH; Međ.)
8.	Informatika; (KS; FBiH; BiH; Međ.)
9.	Hemija; (KS)
10.	Geografija/zemljopis; (KS; FBiH; BiH; Međ.)
11.	Građansko obrazovanje/Demokratija ljudskih prava „Projekat građanin“ takmičenja; (KS)
12.	Likovna kultura – Mladi voljenom gradu (likovni radovi učenika srednje škole); (KS)
13.	Srednja muzička škola (Kantonalni nivo: sve; Federalni nivo: Klavir, violina, viola, violončelo, kontrabas, udaraljke, solo pjevanje i solfeggio; Međunarodni nivo: (klavir, gitara, harmonika, gudači, duvači, udaraljke, solfedo, ansambli/kamerni sastavi, orkestri, hor, klasični balet, solo pjevanje)
14.	Sport - Odbojka (M) i (D); (KS)
15.	Islamska vjeronauka; (KS; FBiH; BiH; Međ.)
16.	Šah; (KS)
17.	Science – STEM; (KS)

18.	Liga pregovaranja; (KS)
19.	Debatne parlaonice; (KS)
20.	Revija kulturno-umjetničkog stvaralaštva učenika osnovnih i srednjih škola Kantona Sarajevo – Hor uz pratnju; (KS)

Javni poziv ostaje otvoren 15 dana (slovima: petnaest dana), od dana objavljivanja na web stranici Grada Sarajevo (www.sarajevo.ba).

Učenici srednjih škola sa područja Grada Sarajevo, koji se prijavljuju na Javni poziv, trebaju da preuzmu elektronski prijavni obrazac sa zvanične stranice Grada Sarajevo (www.sarajevo.ba – odjeljak „Javni pozivi“), a koji treba da bude elektronski ispunjen, isprintan, te potpisan od strane roditelja/staratelja ili punoljetnog kandidata. Navedeni prijavni obrazac se smatra sastavnim dijelom dokumentacije, te je uz to potrebno još dostaviti:

1. Izjavu kandidata kojom se daje saglasnost da se njegovi podaci mogu obrađivati u skladu sa članom 5. Zakona o zaštiti ličnih podataka („Službeni glasnik BiH" broj 76/11), (Napomena: za maloljetne kandidate Izjavu daje roditelj/staratelj i ista treba biti ovjerena od strane nadležne općinske službe);
2. Da su državljani BiH – dostaviti uvjerenje o državljanstvu ili Rodni list sa navedenom činjenicom o državljanstvu ne starije od 6 mjeseci od dana objave Javnog poziva;
3. Da imaju prebivalište na području četiri gradske općine (Centar, Stari Grad, Novo Sarajevo i Novi Grad) – CIPS;
4. Dokaz/uvjerenje/potvrda od matične škole da je učenik/ca učestvovao i ostvario rezultat na zvaničnom takmičenju iz srodnog predmeta na nivou Kantona Sarajevo, Federacije BiH, BiH ili međunarodnog takmičenja;
5. Svjedočanstvo o ostvarenom uspjehu u prethodnoj školskoj godini – ovjerena kopija;
6. Ovjerena kopija diplome/potvrde o ostvarenom rezultatu na zvaničnom takmičenju iz srodnog predmeta na nivou Kantona Sarajevo, Federacije BiH, BiH ili međunarodnom takmičenju iz prethodne godine (Napomena: učenici/ce prvog razreda srednje škole, ovjerenu diplomu/potvrdu o ostvarenom rezultatu na takmičenju dostavljaju iz prethodno završene osnovne škole);
7. Potvrda o otvorenom računu iz banke jednog od roditelja/staratelja ili punoljetnog kandidata.

Sva prethodno navedena dokumentacija kojom se dokazuje ispunjenje kriterija za nagrađivanje učenika srednjih škola mora biti original ili ovjerena kopija. Dokumentacija se ne vraća kandidatima.

Molba roditeljima/starateljima da obrate pozornost da ukoliko učenik/ca postaje punoljetno lice u dogledno vrijeme od datuma objave Javnog poziva, da otvore račun u banci na njihovo ime i dostave novu potvrdu o solventnosti na ime učenika iz razloga da isplata nagrada učenicima ne bi kasnila, jer će nagrade biti isplaćene nakon završetka procesa obrade/analize i ocjene pristiglih prijave)

Ukoliko bude nedostajala Izjava kandidata da se njegovi podaci mogu obrađivati u skladu sa čl. 5 Zakona o zaštiti ličnih podataka ("Sl.glas. BiH br. 76/11), Komisija će zaustaviti analizu prijave tog kandidata i prijava će biti smatrana nevažećom, te se ime kandidata neće nalaziti na listi uspješnih kandidata. Kandidat koji bude smatrao da je oštećen po ovom stavu, ima pravo žalbe kao i ostali kandidati.

Nagrade za učenike srednjih škola će se određivati prema najboljem jednom ostvarenom uspjehu na takmičenjima u prethodnoj školskoj godini, tj. nije moguće dobiti nagradu za ostvareni uspjeh na više nivoa takmičenja, u sljedećem rasporedu nivoa:

- Prvi nivo: takmičenje organizirano na nivou Kantona Sarajevo;
- Drugi nivo: takmičenje organizirano na nivou Federacije Bosne i Hercegovine;

- Treći nivo: takmičenje organizirano na nivou države Bosne i Hercegovine;
- Četvrti nivo: takmičenje organizirano na međunarodnom nivou.

Napomena 1: Ukupni iznos dodijeljene nagrade će zavisiti od uspjeha ostvarenog u prethodnoj školskoj godini (Učenici sa ukupnim prosjekom ocjena 5,00 ostvarenim prethodnoj školskoj godini ostvaruju pravo na dodjelu cjelokupne nagrade koju odredi komisija, dok učenici sa manjim prosjekom ocjena će ostvariti nagradu u skladu sa ostvarenim uspjehom).

Napomena 2: Učešće na međunarodnim takmičenjima će se također nagraditi u skladu sa raspoloživim sredstvima.

PODNOŠENJE PRIJAVA I ODREĐIVANJE IZNOSA NAGRADA

Prijavni obrazac je sastavni dio dokumentacije te bez istog neće biti moguće izvršiti vrednovanje. Navedeni obrazac je potrebno da bude elektronski ispunjen, isprintan, te potpisan od strane roditelja/staratelja ili punoljetnog kandidata.

Sve prijave se podnose na **Pisarnicu Grada Sarajevo**, na adresu **Ćemaluša 9/III** sa naznakom **„Prijava na Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz nastavnih predmeta/oblasti u prethodnoj školskoj 2023/2024. godini, iz Budžeta Grada Sarajeva za 2024. godinu“**.

Iznos nagrada utvrđuje posebna Komisija koju će formirati Gradonačelnica Grada Sarajevo u svrhu obrade/analize i ocjene pristiglih prijava.

Gradska služba za obrazovanje, sport, kulturu i mlade će zaprimiti sve prijave, te dostaviti Komisiji na razmatranje pristigle prijave, te nakon zajedničke obrade/analize i ocjene pristiglih prijava odrediti narativni i tabelarni prijedlog iznosa nagrada koji će biti upućen Gradonačelnici na saglasnost.

Iznos nagrada će se utvrditi tako što će se sredstva planirana u Budžetu Grada Sarajevo za 2024. godinu prvo podijeliti na broj kategorija prema nivoima, a svaki nivo će dobiti koeficijentom određeni iznos nagrade u skladu sa ostvarenim rezultatom. Nakon utvrđivanja proporcionalno prosječnog iznosa nagrade, isti se unosi u tabelu prema kojoj će se dobiti konačni iznosi.

Gradonačelnica će posebnom Odlukom o utvrđivanju rang liste uspješnih kandidata po ovom Javnom pozivu, sve učenike o konačnim rezultatima obavijestiti putem zvanične web stranice Grada Sarajevo (www.sarajevo.ba).

Iznos nagrada će biti jednokratno dodijeljen, nakon završetka cjelokupne procedure.

Prijava sa neophodnom dokumentacijom se podnosi na propisanom obrascu (obrazac se može preuzeti na zvaničnoj stranici na web-stranici Grada www.sarajevo.ba), u naprijed navedenom terminu, 15 dana od dana objavljivanja na službenoj stranici Grada, na pisarnici Grada Sarajeva, ul. Ćemaluša 9/III ili putem pošte na adresu:

Grad Sarajevo

Služba za obrazovanje, sport, kultura i mlade

sa naznakom: „Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz nastavnih predmeta/oblasti u prethodnoj školskoj 2023/2024. godini, iz Budžeta Grada Sarajeva za 2024. godinu“

Ulica Ćemaluša 9/III

71000 Sarajevo

Nepotpune i neblagovremene prijave neće se uzeti u razmatranje.

Dostavljeni dokumenti se neće vraćati kandidatu nakon završene procedure.

Kandidati koji su ostvarili pravo potpisuju ugovor o dodjeli nagrade kojim se regulišu međusobna prava i obaveze učenika/studenta i Grada Sarajevo. Ugovor potpisuje učenik/student, a ukoliko se radi o maloljetnom licu roditelj/staratelj i gradonačelnik/ca u ime Grada Sarajevo.

Za sve dodatne informacije kandidati se mogu obratiti Službi za obrazovanje, kulturu i sport na brojtelefona: 033/407-458, te e-mail: drustvena.djelatnost@sarajevo.ba.

GRADONAČELNICA GRADA SARAJEVO

s.r. Prof. dr. Benjamina Karić

Broj: 01/10-11-5982/24

Datum: 03.09.2024. godine



PRIJAVNI OBRAZAC NA JAVNI POZIV
za nagrađivanje učenika srednjih škola koji su postigli zapažene rezultate na zvaničnim takmičenjima iz nastavnih predmeta/oblasti u prethodnoj školskoj 2023/2024. godini, iz Budžeta Grada Sarajeva za 2024. godinu

Obrazac Prijave na Javni poziv, a koji se nalazi u nastavku, treba biti elektronski ispunjen, isprintan, te potpisan od strane roditelja/staratelja ili punoljetnog kandidata

Ime (ime jednog roditelja/staratelja) prezime učenika	Kliknite ili dodirnite ovdje kako biste unijeli tekst.
Adresa i općina prebivališta	Kliknite ili dodirnite ovdje kako biste unijeli tekst.
Kontakt telefon ili e-mail jednog roditelja/staratelja ili punoljetnog učenika	Kliknite ili dodirnite ovdje kako biste unijeli tekst.
Naziv javne obrazovne ustanove koju učenik pohađa ili je pohađao u momentu postizanja rezultata	Kliknite ili dodirnite ovdje kako biste unijeli tekst.
Adresa prethodno navedene javne obrazovne ustanove	Kliknite ili dodirnite ovdje kako biste unijeli tekst.
Naziv takmičenja	Izabрати stavku.
Nivo takmičenja (odaberite u nastavku desno)	Izabрати stavku.
Ostvareni rezultat (odaberite u nastavku desno)	Izabрати stavku.
Transakcijski broj u banci (prije unosa, molimo Vas da pročitate naglašenu molbu iz teksta Javnog poziva)	Kliknite ili dodirnite ovdje kako biste unijeli tekst.
Mjesto održavanja takmičenja	Kliknite ili dodirnite ovdje kako biste unijeli tekst.

Uz popunjen prijavni obrazac dostavljam traženu dokumentaciju poredanu i složenu prema tekstu Javnog poziva:

- 1) Izjavu kandidata, kojom dajem saglasnost da se njegovi podaci mogu obrađivati u skladu sa članom 5. Zakona o zaštiti ličnih podataka („Službeni glasnik BiH" broj 76/11);
- 2) Uvjerenje o državljanstvu ili Rodni list sa navedenom činjenicom o državljanstvu ne starije od 6 mjeseci od dana objave Javnog poziva;
- 3) CIPS
- 4) Dokaz/uvjerenje/potvrda od matične škole da je učenik/ca učestvovao i ostvario rezultat na zvaničnom takmičenju iz srodnog predmeta na nivou Kantona Sarajevo, Federacije BiH, BiH ili međunarodnog takmičenja;
- 5) Svjedočanstvo o ostvarenom uspjehu u prethodnoj školskoj godini – ovjerena kopija;
- 6) Ovjerena kopija diplome/potvrde o ostvarenom rezultatu na zvaničnom takmičenju iz srodnog predmeta na nivou Kantona Sarajevo, Federacije BiH, BiH ili međunarodnom takmičenju iz prethodne godine (Napomena:

učenici/ce prvog razreda srednje škole, ovjerenu diplomu/potvrdu o ostvarenom rezultatu na takmičenju dostavljaju iz prethodno završene osnovne škole);

7) Potvrda o otvorenom računu iz banke jednog od roditelja/staratelja ili punoljetnog kandidata.

Datum:

Ime i prezime
roditelja/staratelja ili punoljetnog kandidata
